

聖濟總錄

一之下

庫文閣内			
函	冊	號	漢
300	200	300	12609
冊	數	函	號
200	( 4 )	300	212

0 1 2 3 4 5 6 7 8 9 cm

Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



大學東  
校典籍  
局之印



大德重校聖濟總錄卷第一之下  
運氣

甲申

乙酉

丙戌

丁亥

戊子

己丑

庚寅

辛卯

壬辰

癸巳

總錄卷第一



甲申歲




續金一六

甲申	乙酉	丙戌	丁亥	戊子	己丑	庚寅	辛卯	壬辰	癸巳

少陽相火司天厥陰風木在泉中見太宮土運歲土太  
 過氣化運行先天火化為天氣清化為左間齡化為司  
 氣故天氣正而其政嚴酸化為地氣灼化為居氣藏化  
 為右間故地氣擾而其令撓風迺暴舉木偃沙飛炎火  
 迺流陰行陽化雨迺時應火木同德上應熒惑歲星其  
 穀丹蒼故風熱參布雲物沸騰太陰橫流寒迺時至涼  
 雨並起火化二雨化五風化八正化度也羽蟲靜毛蟲  
 育歲物之宜也保蟲耗清毒不生地氣制之也民感其  
 氣者其病寒中外發瘡瘍內為泄滿聖人遇之和而不  
 爭往復之作民病寒熱瘧泄聾瞶嘔吐上佛腫色變是

總錄一之三

三



歲陽爲天氣陰爲地氣中見土運木生火火生土下生  
上天氣盈宜於年前先取化源以平天氣之火抑其運  
土贊所不勝暴過不生苛疾不起歲宜鹹宜辛宜酸滲  
之泄之漬之發之運異風熱少用寒化其化上鹹寒中  
鹹和下辛涼藥食宜也歲半之前少陽主之火淫所勝  
則溫氣流行金政不平民病頭痛發熱惡寒而瘧熱上  
皮膚痛色變黃赤傳而爲水身面肘腫腹滿仰息泄注  
赤白瘡瘍咳唾血煩心胸中熱甚則斃衄病本于肺診  
在手天府之脉法宜平以鹹冷佐以苦甘以酸收之以  
苦發之以酸復之歲半之後厥陰主之木能勝土地氣

制運風淫于內則地氣不明平野昧草廼早秀民病灑  
灑振寒善伸數欠心痛支滿兩脇裏急飲食不下鬲咽  
不通食則嘔腹脹善噫得後與氣則快然如衰身體皆  
重法宜治以辛涼佐以苦以甘緩之以辛散之歲運之  
化土太過紀曰敦阜是謂廣化厚德清靜順長以盈至  
陰內實物化充成煙埃朦鬱見於厚土大雨時行濕氣  
廼用燥政廼辟其化圓其氣豐其政靜其令周備其動  
濡積並稽其德柔潤重淖其變震驚飄驟其化兼其所  
勝其病腹滿四支不舉故曰歲土太過雨濕流行腎水  
受邪民病腹痛清厥意不樂體重煩寃甚則肌肉萎足

痿不收行善瘦脚下痛飲發中滿食減四支不舉變生  
得位風雨大至其病腹滿澹泄腸鳴反下甚診在足太  
谿之脉其法治以鹹和初之氣自癸未年大寒日寅初  
至是歲春分日子初凡六十日八十七刻半主位太角  
木客氣少陰火中見土運木生火地氣遷風勝迺搖寒  
迺去候迺大溫草木早榮寒來不殺溫病迺起其病氣  
拂於上血溢目赤欬逆頭痛血傷脇滿膚腠中瘡宜治  
少陰之客以鹹補之以甘寫之以酸收之歲穀宜丹間  
穀宜豆二之氣自春分日子正至小滿日戌正凡六十  
日有奇主位少徵火客氣太陰土中見土運氣與運同

火反鬱白埃四起雲趨雨府風不勝濕雨迺零民迺康  
其病熱鬱於上欬逆嘔吐瘡發於中胸噎不利頭痛身  
熱昏憤膿瘡宜治太陰之客以甘補之以苦寫之以甘  
緩之歲穀宜丹間穀宜麻是氣也用涼遠涼無犯司氣  
之涼三之氣自小滿日亥初至大暑日酉初凡六十日  
有奇主位少徵火客氣少陽火中見土運火當其位天  
政布炎暑至少陽臨土雨迺涯民病熱中聾瞑血溢膿  
瘡欬嘔魀衄渴噎欠喉痺目赤善暴死宜治少陽之客  
以鹹補之以甘寫之以鹹奠之歲穀宜丹間穀宜豆四  
之氣自大暑日酉正至秋分日未正凡六十日有奇主

位太宮土客氣陽明金中見土運歲土得位與金相生  
涼迺至炎暑間化白露降民氣和平其病滿身重宜治  
陽明之客以酸補之以辛寫之以苦泄之歲穀宜蒼間  
穀宜黍五之氣自秋分日申初至小雪日午初凡六十  
日有奇主位少商金客氣太陽水中見土運金生水陽  
迺去寒迺來雨迺降氣門迺閉剛木早凋民避寒邪君  
子周密是歲土運制之寒邪迺微宜治太陽之客以苦  
補之以鹹寫之以苦堅之以辛潤之歲穀宜蒼間穀宜  
稷終之氣自小雪日午正至大寒日辰正凡六十日有  
奇主位太羽水客氣厥陰木地氣正風迺至萬物反生

霧霧以行其病關閉不禁心痛陽氣不藏而欬宜治厥  
陰之客以辛補之以酸寫之以甘緩之歲穀宜蒼間穀  
宜稻六氣之治此其道也若迺歲氣之交天氣火勝者  
當有太陽之復地氣風勝者當有陽明之復各依其復  
法治之


乙酉歲







總錄一之下

陽明燥金司天少陰君火在泉中見少商金運歲金不及氣化運行後天少商之金不及而同天化是謂天符又金運臨酉是謂歲會上與天符下與歲會三合為治名曰太一天符氣至平也平金之歲紀曰審平收而不爭殺而無犯五化宣明其氣潔其性剛其用散落其化堅斂其政勁肅其候清切其令燥其類金其應秋其穀稻其果桃其實殼其蟲介其畜雞其色白其味辛其音商其數九其物外堅其在人也其藏肺其主鼻其養皮毛其病欬此運化也天地之氣天氣為燥化左間為藏化右間為明化故天氣急而其政切地氣為苦化左間

爲柔化石間爲動化故地氣明而其令暴陽專其令炎  
暑盛行物燥以堅淳風迺治風燥橫運流於氣交多陽  
少陰雲趨雨府濕化迺敷燥極而澤蟄蟲迺見流水不  
冰金火合德上應太白熒惑其穀白丹間穀命太者其  
耗白甲品羽故曰熱化寒化勝復同邪氣化度也燥化  
四清化四熱化二正化度也歲物之宜則介蟲靜羽蟲  
育地氣所制則介蟲耗寒毒不生是以清熱之氣持於  
氣交清先而勁毛蟲迺死熱後而暴介蟲迺殃其發燥  
民病欬隘寒寒熱發暴振慄瘖闕歲半之前陽明主之  
其化燥者天之政也歲半之後少陰主之其令熱者地

之化也金爲天氣火爲地氣火能勝金遇太一天符金  
氣自平不資化源惟安其運金無使受邪食白丹之穀  
以安其氣食間氣之穀以去其邪歲宜以鹹以苦以辛  
汗之清之散之其運同清宜多地化其化上苦小溫中  
苦和下鹹寒藥食之宜也初之氣自甲申年大寒日巳  
初至是歲春分日卯初凡六十日八十七刻半主位太  
角木客氣太陰土中見金運土金相生地氣遷陰如凝  
氣始肅水迺冰寒雨化其病中熱脹面目浮腫善眠鼾  
衄嚏欠嘔小便黃赤甚則淋宜治太陰之客以甘補之  
以苦寫之以甘緩之歲穀宜白間穀宜麻雖有濕化不

能爲邪二之氣自春分日卯正至小滿日丑正凡六十  
日有奇主位少徵火客氣少陽火中見金運二火相加  
陽廼布民廼舒物廼生榮厲大至民善暴死是歲金氣  
平雖有厲疾不至天橫宜治少陽之客以鹹補之以甘  
寫之以鹹與之歲穀宜白間穀宜豆雖有火化不能爲  
邪三之氣自小滿日寅初至大暑日子初凡六十日有  
奇主位少徵火客氣陽明金中見金運歲運符天金氣  
廼平天政布涼廼行燥熱交合燥極而澤民病寒熱宜  
調陽明之客以酸補之以辛寫之以苦泄之歲穀宜白  
間穀宜黍雖有燥化不能爲邪是氣也用涼遠涼無犯

司氣之涼四之氣自大暑日子正至秋分日戌正凡六  
十日有奇主位太宮土客氣太陽水中見金運金水相  
生寒雨降病暴仆振慄譫妄少氣嗌乾引飲及爲心痛  
癰腫瘡瘍瘧寒之疾骨痿血便宜治太陽之客以苦補  
之以鹹寫之以苦堅之以辛潤之歲穀宜丹間穀宜稷  
雖有寒化不能爲邪五之氣自秋分日亥初至小雪日  
酉初凡六十日有奇主位少商金客氣厥陰木中見金  
運歲運當位其氣平厥陰居之春令反行草廼生榮民  
廼和宜調厥陰之客以辛補之以酸寫之以甘緩之歲  
穀宜丹間穀宜稻雖有風化不能爲邪終之氣自小雪

日酉正至大寒日未正凡六十日有奇主位太羽水客  
 氣少陰火中見金運火能勝金陽氣布候反溫蟄蟲來  
 見流水不冰民廼康平其病溫宜治少陰之客以鹹補  
 之以甘寫之以酸收之歲穀宜丹間穀宜豆雖有熱化  
 不能為邪此六氣之常也治之大法和者平之各安其  
 氣必清必靜則邪氣自衰歸其所宗此治之大體也

主寒雨初寒暴折寒濕氣少陰火能勝金陽氣布候反溫蟄蟲來  
 見流水不冰民廼康平其病溫宜治少陰之客以鹹補  
 之以甘寫之以酸收之歲穀宜丹間穀宜豆雖有熱化  
 不能為邪此六氣之常也治之大法和者平之各安其  
 氣必清必靜則邪氣自衰歸其所宗此治之大體也

丙戌歲





總錄一之下

太陽寒水司天太陰濕土在泉中見太羽水運歲水太過氣化運行先天太過而同天化是謂天符平水之歲也水運平者命曰靜順之紀藏而勿害治而善下五化咸整其氣明其性下其用沃衍其化凝堅其政流演其候凝肅其令寒其類水其應冬其穀豆其果栗其實濡其蟲鱗其畜彘其色黑其味鹹其音羽其數六其物濡其在人也其藏腎其主二陰其養骨髓其病厥此歲運之化也天地之氣寒化司天動化為左間清化為右間故天政所布其氣肅甘化在泉明化為左間灼化居氣為右間故地氣靜而其令徐寒臨太虛其政大舉陽氣

不令澤無陽燄則火發待時少陽中治時雨迺涯止極  
雨散還於太陰雲朝北極濕化迺布澤流萬物寒化六  
雨化五正化度也鱗蟲靜保蟲育歲物之宜也鱗蟲不  
成燥毒不生地氣制之也寒敷于上雷動于下水土合  
德上應辰星鎮星其穀玄黔寒濕之氣持於氣交民病  
寒濕發肌肉萎足痿不收濡寫血溢是歲水在上土在  
下土勝水天氣虛水運符天其氣自平不資化源惟抑  
運水扶其不勝無使暴過而生其疾歲宜以苦燥之溫  
之食玄黔之穀以全其真避虛邪之氣以安其正運與  
寒同宜燥熱化故曰其化上苦熱中鹹溫下甘熱藥食

宜也歲半之前太陽主之太陽有本標之化當其時寒  
熱得中者天之和氣至也歲半之後太陰主之太陰之  
化從本當其時濕化應者地之令也初之氣自乙酉年  
大寒日申初至是歲春分日午初凡六十日八十七刻  
半主位太角木客氣少陽火中見水運少陽中治地氣  
遷氣迺大溫草迺早榮民迺厲溫病迺作身熱頭痛嘔  
吐肌腠瘡瘍宜調少陽之客以鹹補之以甘寫之以鹹  
奠之歲穀宜玄間穀宜豆則火不爲邪二之氣自春分  
日午正至小滿日辰正凡六十日有奇主位少徵火客  
氣陽明金中見水運大涼反至民迺慘草迺遇寒火氣

遂抑民病氣鬱中滿寒迺始宜調陽明之客以酸補之  
以辛寫之以苦泄之歲穀宜玄間穀宜黍則燥不爲邪  
三之氣自小滿日巳初至大暑日卯初凡六十日有奇  
主位少徵火客氣太陽水中見水運氣與運相符而布  
天政寒氣行雨迺降民病寒反熱中癰疽注下心熱瞽  
悶不治者死宜調太陽之客以苦補之以鹹寫之以苦  
堅之以辛潤之歲穀宜玄間穀宜稷則寒不爲邪是氣  
也用寒遠寒無犯司氣之寒四之氣自大暑日卯正至  
秋分日丑正凡六十日有奇主位太宮土客氣厥陰木  
中見水運水生木風濕交爭風化爲雨迺長迺化迺成

民病大熱少氣肌肉萎足痿注下赤白宜調厥陰之客  
以辛補之以酸寫之以甘緩之歲穀宜藪間穀宜稻則  
風不爲邪五之氣自秋分日寅初至小雪日子初凡六  
十日有奇主位少商金客氣少陰火中見水運大火所  
居陽復化草迺長迺化迺成民迺舒宜調少陰之客以  
鹹補之以甘寫之以酸收之歲穀宜藪間穀宜豆則熱  
不爲邪終之氣自小雪日子正至大寒日戌正凡六十  
日有奇主位太羽水客氣太陰土中見水運水運得位  
濕土居之地氣正濕令行陰凝太虛埃昏郊野民迺慘  
悽寒風以至反者孕迺死宜調太陰之客以甘補之以

苦寫之以甘緩之歲穀宜穀間穀宜麻則濕不為邪此  
 六氣之化也歲行平水之化天符為執法邪或中之民  
 有卒急之病經曰中執法者其病速而危也

天符之化也歲行平水之化天符為執法邪或中之民  
 有卒急之病經曰中執法者其病速而危也

丁亥歲

十五







丁亥年總錄一之下

十五

厥陰風木司天少陽相火在泉中見少角木運歲木不及上角與正角同又木不及而同天化是謂天符氣化運行同天木氣適平命曰敷和之紀木德周行陽舒陰布五化宣平其氣端其性隨其用曲直其化生榮其政發散其候溫和其令風其類草木其應春其穀麻其果李其實核其蟲毛其畜犬其色蒼其味酸其音角其數八其物中堅其在人也其藏肝其主目其養筋其病裏急支滿此歲運之化也歲氣之化上見厥陰左間少陰右間太陽故天氣擾而其政撓下見少陽左間陽明右間太陰故地氣正而其令速風生高遠炎熱從之雲趨

雨府濕化廼行風火同德上應歲星熒惑其穀蒼丹間  
穀言太商之穀其耗文角品羽清化熱化勝復同邪氣  
化度也風化三火化七正化度也毛蟲靜羽蟲育是廼  
歲物所宜介蟲耗寒毒不生是皆地氣所制故風燥火  
熱勝復更作蟄蟲來見流水不冰熱病行於下風病行  
於上風燥勝復形於中是歲陰爲天氣陽爲地氣天氣  
虛木運符之又木火同德其氣專不資化源惟贊運木  
無使邪勝歲宜以辛調上以鹹調下畏火之氣無妄犯  
之故曰其化上辛涼中辛和下鹹寒藥食宜也歲半之  
前天氣主之天布厥陰之政其令風歲半之後地氣主

之地行少陽之令其化火氣化之常也初之氣自丙戌  
年大寒日亥初至是歲春分日酉初凡六十日八十七  
刻半主位少角木客氣陽明金中見木運歲運得位金  
燥客之寒始肅殺氣方至民病寒於右之下宜調陽明  
之客以酸補之以辛寫之以苦泄之歲穀宜蒼間穀宜  
黍則燥不爲邪二之氣自春分日酉正至小滿日未正  
凡六十日有奇主位太徵火客氣太陽水中見木運寒  
不去華雪水冰殺氣施化霜廼降名草上焦寒雨數至  
陽復化民病熱於中宜調太陽之客以苦補之以鹹寫  
之以苦堅之以辛潤之歲穀宜蒼間穀宜稷則寒不爲

邪三之氣自小滿日申初至大暑日午初凡六十日有  
奇主位太徵火客氣厥陰木中見木運運與天符天政  
布風迺時舉民病泣出耳鳴掉眩宜調厥陰之客以辛  
補之以酸寫之以甘緩之歲穀宜蒼間穀宜稻則風不  
爲邪是氣也用溫遠溫無犯司氣之溫四之氣自大暑  
日午正至秋分日辰正凡六十日有奇主位少宮土客  
氣少陰火中見木運溽暑濕熱相薄爭於左之上民病  
黃瘡而爲肘腫宜調少陰之客以鹹補之以甘寫之以  
酸收之歲穀宜丹間穀宜豆則熱不爲邪五之氣自秋  
分日巳初至小雪日卯初凡六十日有奇主位太商金

客氣太陰土中見木運燥濕更勝沉陰迺布寒氣及體  
風雨迺行宜調太陰之客以甘補之以苦寫之以甘緩  
之歲穀宜丹間穀宜麻則濕不爲邪終之氣自小雪日  
卯正至大寒日丑正凡六十日有奇主位少羽水客氣  
少陽火中見木運木生火畏火司令陽迺大化蟄蟲出  
見流水不冰地氣大發草迺生人迺舒其病溫厲宜調  
少陽之客以鹹補之以甘寫之以鹹爽之歲穀宜丹間  
穀宜豆則火不爲邪此六氣之化也歲爲平木或有邪  
氣則中執法人有急卒之病經曰中執法者其病速而  
危也

戊子歲


歲中諸事人等皆不以此為嫌曰中韓趙晉其辭或而  
 奉前不為木不為澤也六家之出也氣益平木也而  
 以時木不亦此矣夫也此或主人既濟其流豈或宜  
 此野人中與木與木主火其火同合其野大山皆於  
 之野野人與日氏五月六十日休命主山也諸木也  
 之野野人與野人與野人與野人與野人與野人與  
 之野野人與野人與野人與野人與野人與野人與  
 之野野人與野人與野人與野人與野人與野人與  
 之野野人與野人與野人與野人與野人與野人與

戊子歲



少陰君火司天陽明燥金在泉中見太徵火運歲火太過氣化運行先天太過而同天化是謂天符氣之平也平火之歲命曰升明之紀正陽而治德施周普五化均衡其氣高其性速其用燔灼其化蕃茂其政明曜其候炎暑其令熱其類火其應夏其穀麥其果杏其實絡其蟲羽其畜馬其色赤其味苦其物脉其音徵其數七其在人也其藏心其主舌其養血其病瞶瘵此歲運之化也天地之氣熱化司天柔化左間動化右間故天以所布其氣明辛化在泉藏化為左間司氣丹化為右間故地氣肅而其令切寒交暑熱加燥雲馳雨府濕化迺行

總錄一之下



時雨廼降金火合德上應熒惑太白其穀丹白熱化七  
清化九正化度也羽蟲靜介蟲育歲物所宜也毛蟲耗  
濕毒不生地氣制之也水火寒熱持於氣交而爲病始  
熱病生於上清病生於下寒熱相犯而爭於中民病欬  
喘血溢血泄鼽嚏目赤眚瘍寒厥入胃心痛腰痛腹大  
噎乾腫上是歲火在上金在下火在中火勝金天氣盈  
地氣虛天氣雖平熱甚於上宜於年前先取化源平其  
火氣必抑其運火資其歲勝折其金之鬱氣無使暴過  
而生其病食丹白之穀以全真氣食間氣之穀以辟虛  
邪歲宜以鹹稟之而調其上以酸收之而安其下運同

天氣以寒清化故曰其化上鹹寒中甘寒下酸溫藥食  
宜也歲半之前少陰主之少陰有本標之化寒熱得中  
爲天政之平也歲半以後陽明主之陽明以中氣爲化  
燥濕相半者地之令也初之氣自丁亥年大寒日寅初  
至是歲春分日子初凡六十日八十七刻半主位少角  
木客氣太陽水中見火運水勝火地氣遷燥將去寒廼  
始蟄復藏水廼冰霜復降風廼至陽氣鬱民反周密關  
節禁固腰腫痛炎暑將起中外瘡瘍宜調太陽之客以  
苦補之以鹹寫之以苦堅之以辛潤之歲穀宜丹間穀  
宜稷則寒不爲邪二之氣自春分日子正至小滿日戌

正凡六十日有奇主位太徵火客氣厥陰木中見火運  
木火相生陽氣布風迺行春氣以正萬物應榮寒氣時  
至民迺和其病淋目瞑目赤氣鬱於上而熱宜調厥陰  
之客以辛補之以酸寫之以甘緩之歲穀宜丹間穀宜  
稻則風不爲邪三之氣自小滿日亥初至大暑日酉初  
凡六十日有奇主位太徵火客氣少陰火中見火運氣  
與運符天政布大火行庶類蕃鮮寒氣時至民病氣厥  
心痛寒熱更作欬喘目赤宜調少陰之客以鹹補之以  
甘寫之以酸收之歲穀宜丹間穀宜豆則熱不爲邪四  
之氣自大暑日酉正至秋分日未正凡六十日有奇主

位少宮土客氣太陰土中見火運土當其位火化兼之  
溽暑至大雨時行寒熱互至民病寒熱嗌乾黃痺鼽衄  
飲發宜調太陰之客以甘補之以苦寫之以甘緩之歲  
穀宜白間穀宜麻則濕不爲邪五之氣自秋分日申初  
至小雪日午初凡六十日有奇主位太商金客氣少陽  
火中見火運氣同化運畏火臨暑反至陽迺化萬物迺  
生迺長榮民迺康其病溫宜調少陽之客以鹹補之以  
甘寫之以鹹更之歲穀宜白間穀宜豆則火不爲邪是  
氣也用熱遠熱無犯司氣之熱終之氣自小雪日午正  
至大寒日辰正凡六十日有奇主位少羽水客氣陽明

金中見火運火勝金水反制之燥令行餘火內格腫於  
 上欬喘甚則血溢寒氣數舉則霧霧翳病生皮膚內舍  
 於脇下連少腹而作寒中地將易也宜調陽明之客以  
 酸補之以辛寫之以苦泄之歲穀宜白間穀宜黍則燥  
 不為邪此六氣之化也歲氣之交宜扶其不足制其有  
 餘使氣適平然是歲天符為執法若有邪中執法者民  
 病速而危


己丑歲





太陰濕土司天太陽寒水在泉中見少宮土運歲土不  
 及上宮與正宮同少宮上臨太陰是為天符土運臨丑  
 是為歲會上見天符下見歲會三合為治太一天符之  
 歲氣至平也命曰備化之紀氣協天休德流四政五化  
 齊修其氣平其性順其用高下其化豐滿其政安靜其  
 候溽蒸其令濕其類土其應長夏其穀稷其果棗其實  
 肉其蟲倮其畜牛其色黃其味甘其物膚其音宮其數  
 五其在人也其藏脾其主口其養肉其病否此歲運之  
 化也歲氣之化濕化司天明化間左灼化居右故地氣  
 上騰而其政肅鹹化在泉動化間左清化間右故天氣

五運總錄一之下



下降而其令寂陰專其政陽氣退辟大風時起原野昏  
霧白埃四起雲奔南極寒雨數至物成於差夏濕寒合  
德黃黑埃昏流行氣交上應鎮星辰星其穀齡玄間穀  
命太商太徵者物成於差夏故陰凝於上寒積於下寒  
水勝火則爲冰雹陽光不治殺氣廼行有餘宜高不及  
宜下有餘宜晚不及宜早土之利氣之化也民氣亦從  
之其病寒濕腹滿身臃憤肘腫痞逆寒厥拘急故曰風  
化清化勝復同邪氣化度也雨化五寒化一正化度也  
裸蟲靜鱗蟲育歲物所宜也羽蟲耗熱毒不生地氣制  
之也是歲土在上水在下土勝水天氣盈當取化源歲

遇太一天符其氣至平不取化源惟折其水鬱益其歲  
氣贊其陽火令禦甚寒無使邪勝食齡玄之穀以全其  
真食間氣之穀以保其精歲宜以苦燥之溫之運與濕  
同宜以燥化故曰其化上苦熱中甘和下甘熱藥食宜  
也歲半之前其政濕歲半之後其令寒初之氣自戊子  
年大寒日巳初至是歲春分日卯初凡六十日八十七  
刻半主位少角木客氣厥陰木中見土運木當其位地  
氣遷寒廼去春氣正風廼來生布萬物以榮民氣條舒  
風濕相薄雨廼後民病血溢筋絡拘強關節不利身重  
筋疼宜調厥陰之客以辛補之以酸寫之以甘緩之歲

穀宜齡間穀宜稻則風不爲邪二之氣自春分日卯正  
至小滿日丑正凡六十日有奇主位太徵火客氣少陰  
火中見土運大火正物承化民廼和其病溫厲盛行遠  
近咸共濕蒸相薄雨廼時降宜調少陰之客以鹹補之  
以甘寫之以酸收之歲穀宜齡間穀宜豆則熱不爲邪  
三之氣自小滿日寅初至大暑日子初凡六十日有奇  
主位太徵火客氣太陰土中見土運氣與運符而行平  
氣天政布濕氣降地氣騰雨廼時降寒廼隨之感於寒  
濕則民病身重胗腫胸腹滿宜調太陰之客以甘補之  
以苦寫之以甘緩之歲穀宜齡間穀宜麻則濕不爲邪

是氣也無犯司氣四之氣自大暑日子正至秋分日戌  
正凡六十日有奇主位少宮土客氣少陽火中見土運  
歲運得位相火居之畏火臨溽蒸化地氣騰天氣否隔  
寒風曉暮蒸熱相薄草木凝煙濕化不流則白露陰布  
以成秋令民病腠理熱血暴溢瘡心腹滿熱臚脹甚則  
胗腫宜調少陽之客以鹹補之以甘寫之以鹹爽之歲  
穀宜玄間穀宜豆則火不爲邪五之氣自秋分日亥初  
至小雪日酉初凡六十日有奇主位太商金客氣陽明  
金中見土運土生金金得位慘令已行寒露下霜廼早  
降草木黃落寒氣及體君子周密民病皮腠宜調陽明

之客以酸補之以辛寫之以苦泄之歲穀宜玄間穀宜  
 黍則燥不為邪終之氣自小雪日酉正至大寒日未正  
 凡六十日有奇主位少羽水客氣太陽水中見土運水  
 當其位濕氣合德寒大舉濕大化霜廼積陰廼凝水堅  
 冰陽光不治感於寒則病人關節禁固腰膝痛寒濕持  
 於氣交而為疾也宜調太陽之客以苦補之以鹹寫之  
 以苦堅之以辛潤之歲穀宜玄間穀宜稷則寒不為邪  
 此六氣之化也氣交之化歲有水鬱當隨勝氣安其屈  
 伏無間其數以平為期此其道也

庚寅歲





總錄一之下

少陽相火司天厥陰風木在泉中見太商金運歲金太過氣化運行先天火化為天氣素化司氣為左間柔化為右間故天氣正而其政嚴酸化為地氣灼化居氣為左間藏化為右間故地氣擾而其令撓風迺暴舉木偃沙飛炎火迺流陰行陽化雨迺時應風熱參布雲物沸騰太陰橫流寒迺時至涼雨並起火木同德上應熒惑歲星其穀丹蒼火化七清化九風化三正化度也羽蟲靜毛蟲育是謂歲物之宜俾蟲耗清毒不生是皆地氣所制民病寒中外發瘡瘍內為泄滿聖人遇之和而不爭往復之作民病寒熱瘧泄聾瞶嘔吐上怫腫色變是

歲陽爲天氣陰爲地氣金運在中天氣刑運運刑地氣  
天氣盈地氣虛當於年前先取化源以平火氣無使運  
鬱次抑其運金贊所不勝無使木鬱折其鬱氣則暴過  
不生苛疾不起歲宜鹹宜辛宜酸滲之泄之漬之發之  
運異風熱少用寒化其化上鹹寒中辛溫下辛涼藥食  
宜也候其氣者歲半之前少陽主之若火淫所勝則溫  
氣流行金政不平民病頭痛發熱惡寒而瘧熱上皮膚  
痛色變黃赤傳而爲水身面肘腫腹滿仰息泄注赤白  
瘡瘍欬唾血煩心胸中熱甚則鼽衄病本于肺診在手  
天府之脉法宜平以鹹冷佐以苦甘以酸收之以苦發

之以酸復之歲半之後厥陰主之若風淫于內則地氣  
不明平野昧草廼早秀民病灑灑振寒善伸數欠心痛  
支滿兩脇裏急飲食不下鬲咽不通食則嘔腹脹善噫  
得後與氣則快然如衰身體皆重法宜治以辛涼佐以  
苦以甘緩之以辛散之歲運之化金太過紀曰堅成是  
謂收引天氣潔地氣明陽氣隨陰治化燥行其政物以  
司成收氣繁布化洽不終其化成其氣削其政肅其令  
銳切其動暴折瘍疰其德霧露蕭颺其變肅殺凋零其  
化兼其所勝其病喘噎胸憑仰息上徵與正商同其生  
齊其病欬故曰歲金太過燥氣流行肝木受邪民病兩

脇下少腹痛目赤痛皆瘍耳無所聞甚則喘欬逆氣肩  
背痛下連股膝髀膈脰足皆病其治宜以辛溫初之氣  
自己丑年大寒日申初至是歲春分日午初凡六十日  
八十七刻半主位少角木客氣少陰火中見金運火勝  
金地氣遷風勝迺搖寒迺去候迺大溫草木早榮寒來  
不殺溫病迺起其病氣怫於上血溢目赤欬逆頭痛血  
傷脇滿膚腠中澹宜治少陰之客以鹹補之以甘寫之  
以酸收之歲穀宜丹間穀宜豆二之氣自春分日午正  
至小滿日辰正凡六十日有奇主位太徵火客氣太陰  
土中見金運火生土火反鬱白埃四起雲趨雨府風不

勝濕雨迺零民迺康其病熱鬱於上欬逆嘔吐瘡發於  
中胸隘不利頭痛身熱昏憤膿瘡宜治太陰之客以甘  
補之以苦寫之以甘緩之歲穀宜丹間穀宜麻三之氣  
自小滿日巳初至大暑日卯初凡六十日有奇主位太  
徵火客氣少陽火中見金運火當其位天政布炎暑至  
少陽臨上雨迺涯民病熱中聾瞑血溢膿瘡欬嘔鼽衄  
渴嚏欠喉痹目赤善暴死宜調少陽之客以鹹補之以  
甘寫之以鹹爽之歲穀宜丹間穀宜豆四之氣自大暑  
日卯正至秋分日丑正凡六十日有奇主位少宮土客  
氣陽明金中見金運氣與運同是謂司氣涼迺至炎暑

間化白露降民氣和平其病滿身重宜治陽明之客以  
酸補之以辛寫之以苦泄之歲穀宜蒼間穀宜黍是氣  
也用涼遠涼無犯司氣之涼五之氣自秋分日寅初至  
小雪日子初凡六十日有奇主位太商金客氣太陽水  
中見金運金當其位而生水陽廼去寒廼來雨廼降氣  
門廼閉剛木早凋民避寒邪君子周密宜治太陽之客  
以苦補之以鹹寫之以苦堅之以辛潤之歲穀宜蒼間  
穀宜稷終之氣自小雪日子正至大寒日戌正凡六十  
日有奇主位少羽水客氣厥陰木中見金運金生水水  
生木地氣正風廼至萬物反生霧霧以行其病關閉不

禁心痛陽氣不藏而欬宜治厥陰之客以辛補之以酸  
寫之以甘緩之歲穀宜蒼間穀宜稻歲氣之化勝復更  
作當佐以所利和以所宜安其主客適其寒溫同者逆  
之異者從之是其法也





陽明燥金司天少陰君火在泉中見少羽水運歲水不  
 及氣化運行後天燥化為天氣玄化為左間明化為右  
 間故天氣急而其政切苦化為地氣柔化為左間動化  
 為右間故地氣明而其令暴陽專其令炎暑盛行物燥  
 以堅淳風迺治風燥橫運流於氣交多陽少陰雲趨雨  
 府濕化迺敷燥極而澤金火合德上應太白熒惑其穀  
 白丹間穀命太徵者其耗白甲品羽雨化風化勝復同  
 邪氣化度也清化九寒化一熱化七正化度也介蟲靜  
 羽蟲育是迺歲物之宜介蟲耗寒毒不生是皆地氣所  
 制蟄蟲迺見流水不冰清熱之氣持於氣交民病欬噎

總錄一之下



塞寒熱發暴振慄瘰闕清先而勁毛蟲廼死熱後而暴  
介蟲廼殃其發躁是歲金在上火在下水運在中水勝  
火火勝金天氣虛水能制火而生金金又生運其邪廼  
微宜資其化源以助金氣安其運水無使受邪折其火  
氣之鬱食白丹之穀以安其氣食間氣之穀以去其邪  
歲宜以鹹以苦以辛汗之清之散之運化同清宜多地  
化其化上苦小溫中苦和下鹹寒藥食宜也候其氣者  
歲半之前陽明主之若燥淫所勝則木廼晚榮草廼晚  
生筋骨內變民病左肱脇痛寒清于中感而虛大涼革  
候欬腹中鳴注泄驚澹名木斂生苑于下草焦上首心

脇暴痛不可反側盍乾面塵腰痛目昧背瘍瘡瘰癧病  
本于肝診在足太衝之脉法宜平以苦溫佐以酸辛以  
苦下之歲半之後少陰主之若熱淫于內則焰浮川澤  
陰處反明民病腹中常鳴氣上衝胸喘不能久立寒熱  
皮膚痛目瞑齒痛頤腫惡寒發熱如瘧少腹中痛腹大  
法宜治以鹹寒佐以甘苦以酸收之以苦發之氣交之  
間水運統之不及之水紀曰涸流是謂反陽藏令不舉  
化氣廼昌長氣宣布蟄蟲不藏土潤水泉減草木條茂  
榮秀滿盛其氣滯其用滲泄其動堅止其發燥槁其藏  
腎其化兼所不勝其病瘰闕邪傷腎也候其氣者四維


有湍潤埃雲之化則不時有和風生發之應若四維發埃昏驟注之變則不時有飄蕩振拉之復其膏上其病內舍腰脊骨髓外在谿谷踣膝故曰歲水不及濕迺盛行長氣反用其化迺速暑雨數至民病腹滿身重濡泄寒蕩流水腰股痛發臃膈股膝不便煩寃足痿清厥脚下痛甚則肘腫復則大風暴發草偃木零生長不鮮面色時變筋骨併辟肉瞶癩目視眈眈物疎豐肌肉胗發氣并膈中痛於心腹黃氣迺損其穀不登初之氣自庚寅年大寒日亥初至是歲春分日酉初凡六十日八十七刻半主位少角木客氣太陰土中見水運土勝水地

氣遷陰始凝氣始肅水迺冰寒雨化其病中熱脹面自浮腫善眠魀衄欠嘔小便黃赤甚則淋宜治太陰之客以甘補之以苦寫之以甘緩之歲食白穀間穀用麻雖有濕邪莫之能害二之氣自春分日酉正至小滿日未正凡六十日有奇主位太徵火客氣少陽火中見水運陽迺布民迺舒物迺生榮厲大至民善暴死水運承之其邪亦微宜治少陽之客以鹹補之以甘寫之以鹹奠之歲食白穀間穀用豆雖有火邪莫之能害三之氣自小滿日申初至大暑日午初凡六十日有奇主位太徵火客氣陽明金中見水運天政布涼迺行燥熱交合

燥極而澤民病寒熱宜治陽明之客以酸補之以辛寫之以苦泄之歲食白穀間穀用黍雖有燥邪莫之能害四之氣自大暑日午正至秋分日辰正凡六十日有奇主位少宮土客氣太陽水中見水運氣與運同是謂司氣寒雨降病暴仆振慄譫妄少氣嗌乾引飲及爲心痛癰腫瘡瘍瘧寒之疾骨疼血便宜治太陽之客以苦補之以鹹寫之以苦堅之以辛潤之歲食丹穀間穀用稷雖有寒邪莫之能害是氣也用寒遠寒無犯司氣之寒五之氣自秋分日巳初至小雪日卯初凡六十日有奇主位太商金客氣厥陰木中見水運水生木春令反行

草廼生榮民氣和宜調厥陰之客以辛補之以酸寫之以甘緩之歲食丹穀間穀用稻雖有風邪莫之能害終之氣自小雪日卯正至大寒日丑正凡六十日有奇主位少羽水客氣少陰火中見水運水運得位少陰居之陽氣布候反溫蟄蟲來見流水不冰民廼康平其病溫宜治少陰之客以鹹補之以甘寫之以酸收之歲食丹穀間穀用豆雖有熱邪莫之能害此六氣之化也歲氣之交天氣勝者少陽復之地氣勝者太陽復之其治皆如復氣之法





氣運總錄一之下

太陽寒水司天太陰濕土在泉中見太角木運歲木太  
 過氣化運行先天寒化在上蒼化司氣左間清化石間  
 故天政所布其氣肅甘化在下明化左間灼化居氣右  
 間故地氣靜而其令徐寒臨太虛其政大舉陽氣不令  
 澤無陽燄則火發待時少陽中治時雨迺涯止極雨散  
 還於太陰雲朝北極濕化迺布澤流萬物寒化六風化  
 八雨化五正化度也鱗蟲靜俛蟲育歲物之宜也鱗蟲  
 不成燥毒不生地氣制之也寒敷于上雷動于下寒濕  
 之氣持於氣交民病寒濕發肌肉萎足痿不收濡寫血  
 溢是歲水為天氣土為地氣土勝水天氣虛當資化源

以助天氣之水歲運木天氣生運木能制土地氣反鬱其邪迺微必折鬱土抑其運木扶其不勝無使暴過而生其疾食玄齡之穀以全其真避虛邪之氣以安其正運與寒濕異宜以燥濕化其化上苦溫中酸和下甘溫藥食宜也歲半之前太陽主之若寒淫所勝則寒氣反至水且冰血變于中發爲癰瘍民病厥心痛嘔血血泄飢餓善悲時眩仆運火炎烈雨暴迺雹胸腹滿手熱肘攣腋腫心澹澹大動胸脇胃腕不安面赤目黃善噫噎乾甚則色焔渴而欲飲病本于心診在手神門脉其法平以辛熱佐以甘苦以鹹寫之歲半之後太陰主之若

濕滯于內則埃昏巖谷黃反見黑至陰之交民病飲積心痛耳聾渾渾焯焯噎腫喉痹陰病血見少腹痛腫不得小便病衝頭痛目似脫項似拔腰似折髀不可以回膈如結膈如別其法宜治以苦熱佐以酸淡以苦燥之以淡泄之氣交之間木運太過發生之紀是謂啟敷土疎泄蒼氣達陽和布化陰氣迺隨生氣淳化萬物以榮其化生其氣美其政散其令條舒其動掉眩巔疾其德鳴靡啓拆其變振拉摧拔其化兼其所勝其病怒故曰歲木太過風氣流行脾土受邪民病殞泄食減體重煩冤腸鳴腹支滿甚則忽忽善怒眩冒巔疾反脇痛而吐



甚衝陽脉絕者不治其法治以酸和初之氣自辛卯歲  
大寒日寅初至是年春分日子初凡六十日八十七刻  
半主位太角木客氣少陽火中見木運歲木當位相火  
居之地氣遷氣迺大溫草迺早榮民迺厲溫病迺作身  
熱頭痛嘔吐肌腠瘡瘍宜治少陽之客以鹹補之以甘  
寫之以鹹奠之歲穀宜玄間穀宜豆雖有火邪不能爲  
害二之氣自春分日子正至小滿日戌正凡六十日有  
奇主位少徵火客氣陽明金中見木運金勝木大涼反  
至民迺慘草迺遇寒火氣遂抑民病氣鬱中滿寒迺始  
宜治陽明之客以酸補之以辛寫之以苦泄之歲穀宜

玄間穀宜黍雖有燥邪不能爲害三之氣自小滿日亥  
初至大暑日酉初凡六十日有奇主位少徵火客氣太  
陽水中見木運天政布寒氣行雨迺降民病寒反熱中  
癰疽注下心熱瞽悶不治者死宜治太陽之客以苦補  
之以鹹寫之以苦堅之以辛潤之歲穀宜玄間穀宜稷  
雖有寒邪不能爲害四之氣自大暑日酉正至秋分日  
未正凡六十日有奇主位太宮土客氣厥陰木中見木  
運氣與運同是謂司氣風濕交爭風化爲雨迺長迺化  
迺成民病大熱少氣肌肉萎足痿注下赤白宜治厥陰  
之客以辛補之以酸寫之以甘緩之歲穀宜藜間穀宜

綱目一之十  
四十一  
稍雖有風邪不能爲害是氣也用溫遠溫無犯司氣之  
溫五之氣自秋分日申初至小雪日午初凡六十日有  
奇主位少商金客氣少陰火中見木運木生火火勝金  
陽復化草迺長迺化迺成民迺舒宜調少陰之客以鹹  
補之以甘寫之以酸收之歲穀宜藎間穀宜豆雖有熱  
邪不能爲害終之氣自小雪日午正至大寒日辰正凡  
六十日有奇主位太羽水客氣太陰土中見木運地氣  
正濕令行陰凝太虛埃昏郊野民迺慘悽寒風以至反  
者孕迺死木運制之土迺鬱宜治太陰之客以甘補之  
以苦寫之以甘緩之歲穀宜藎間穀宜麻雖有濕邪不

能爲害此六氣之化也歲氣之交天氣勝則有太陰之  
復地氣勝則有厥陰之復治之宜以勝復之法


三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下  
三代之人自秋分日始初氣入本戶下初氣入本戶下

癸巳歲



厥陰風木司天少陽相火在泉中見少徵火運歲火不  
 及氣化運行後天火同地化不及而加同歲會氣之平  
 也諸同正歲氣化運行同天平火之歲命曰升明之紀  
 正陽而治德施周普五化均衡其氣高其性速其用燔  
 灼其化蕃茂其政明曜其候炎暑其令熱其類火其應  
 夏其穀麥其果杏其實絡其蟲羽其畜馬其色赤其味  
 苦其物脉其音徵其數七其在人也其藏心其主舌其  
 養血其病暍瘰此歲運之化也天地之氣風化在上灼  
 化左藏化右苦化在下清化左齡化右故天氣擾而其  
 政撓地氣正而其令速風生高遠炎熱從之雲趨雨府

總錄一之下



濕化迺行風火同德上應歲星熒惑其穀蒼丹間穀言  
太宮太羽者其耗文角品羽寒化雨化勝復同邪氣化  
度也風化八火化二正化度也歲物之宜則毛蟲靜羽  
蟲育地氣所制則介蟲耗寒毒不生風燥火熱勝復更  
作蟄蟲來見流水不永熱病行於下風病行於上風燥  
勝復形於中是歲陰爲天氣陽爲地氣天氣虛火運適  
平不資化源惟贊運火無使邪勝歲宜以辛調上以鹹  
調下畏火之氣無妄犯之其化上辛涼中鹹和下鹹寒  
藥食宜也歲半之前厥陰主之厥陰所至其令風當其  
時風化行者天之政也歲半之後少陽主之少陽所至

其令火當其時火化行者地之令也初之氣自壬辰年  
大寒日巳初至是歲春分日卯初凡六十日八十七刻  
半主位太角木客氣陽明金中見火運寒始肅殺氣方  
至民病寒於右之下運行平火其邪迺微宜調陽明之  
客以酸補之以辛寫之以苦泄之歲穀宜蒼間穀宜黍  
二之氣自春分日卯正至小滿日丑正凡六十日有奇  
主位少徵火客氣太陽水中見火運火居其位寒水承  
之寒不去華雪水冰殺氣施化霜迺降名草上焦寒雨  
數至陽復化民病熱於中宜調太陽之客以苦補之以  
鹹寫之以苦堅之以辛潤之歲穀宜蒼間穀宜稷三之

氣自小滿之日寅初至大暑日子初凡六十日有奇主  
位少徵火客氣厥陰木中見火運火當其位風木客之  
天政布風迺時舉民病泣出耳鳴掉眩宜調厥陰之客  
以辛補之以酸寫之以甘緩之歲穀宜蒼間穀宜稻四  
之氣自大暑日子正至秋分日戌正凡六十日有奇主  
位太宮土客氣少陰火中見火運氣與運同灼化所居  
濕熱相薄爭於左之上民病黃瘡而爲胗腫宜調少陰  
之客以鹹補之以甘寫之以酸收之歲穀宜丹間穀宜  
豆五之氣自秋分日亥初至小雪日酉初凡六十日有  
奇主位少商金客氣太陰土中見火運火生土燥濕更

勝沉陰迺布寒氣及體風雨迺行宜調太陰之客以甘  
補之以苦寫之以甘緩之歲穀宜丹間穀宜麻終之氣  
自小雪日酉正至大寒日未正凡六十日有奇主位太  
羽水客氣少陽火中見火運火氣符會畏火司令陽迺  
大化蟄蟲出見流水不冰地氣大發草迺生人迺舒其  
病溫厲宜調少陽之客以鹹補之以甘寫之以鹹奠之  
歲穀宜丹間穀宜豆是氣也司氣以熱用熱無犯所謂  
用熱遠熱也歲氣之化其化淳又遇火氣平是謂行令  
邪或乘之其病持久故經曰中行令者其病徐而持

其錄部八名錄中皆合其其錄部  
五氏國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄

大德重校聖濟總錄卷第一之下

宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄  
宜其國錄金夏錄金夏錄金夏錄

